



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ascensus Moysis in montem Seu De Oratione Tractatus Tribus Stationibus ac vijs Purgatiua Illuminatiua Vnitiua distinctus**

**Crombecius, Johannes**

**Avdomari, 1618**

4. Rationes instituti sacrosancti iejunij dierum quadraginta, eiusque fructus.

**urn:nbn:de:hbz:466:1-38133**

discipulus, Philippenses sollicitè monet, vt ieiunium quadragesimæ magni faciant, quando qui quadragesimam ieiunant, non homines, sed Deum ipsum imitentur, qui carnem nostram pro nobis indutus, quadragesimam consecraturus, quadraginta dies, & quadraginta noctes ieiunavit. Denique octavo inter canones ab ipsis Apostolis conditos; qui quadragesimam non ieiunaverint, iubentur, (si clerici sint) deponi; si laici, excommunicari. Itaque non frustra Sacrosancta Mater Ecclesia fidelibus suis, quod ab Apostolis, quod à maioribus accepit, nobis sub gravi interminatione observandum tradit, mandat, iniungit; & vt perpetuo ritu celebretur, pro virili perficit.

Cant. 8.

## SECTIO QVARTA.

*Rationes instituti sacrosancti ieiunij dierum 40.  
eiusque fructus.*

I. **O** Pinabitur forsan quispiam superstiosum quid, in præciso numero quadragenario contineri; parum item referre; si quis triginta, aut viginti, aut etiam 60. dies ieiunii sacri compleat? Cur etiam continuos quadraginta dies Ecclesia requirat? Cur certo & recurrenti tempore? Cur totius temporis pars in vere, pars in estate, autumnno item, & hyeme non compleatur? Ab-

Ee 4

lit

*Ieiunij* fit, vt ex aliqua superstitione ieiunemus; sed  
*40. dierū* ex Christi imitatione, & Apostolorum tradi-  
*rationes.* tione, quadraginta dierum præcisè ieiunium  
 observamus. Sanè rationes huius decreti so-  
 lidissimæ adferri possunt. atq; in primis, quia  
 præcepta decalogi, quatuor modis violamus,  
 ore, opere, cogitatione, omissione: idcirco  
 quater decimum numerum diem ieiunando,  
 & carnem affligendo, complemus.

2. Accedit nos quadraginta dies ieiunare, vt  
 Deo decimas, & primitias totius anni conle-  
 eremus. Nam dies triginta septem dierum  
 omnium vnius anni (qui trecenti sexaginta  
 quinque censentur) sunt decimæ. Addimus  
 verò tres dies ad triginta septem, vt non so-  
 lum decimas, sed etiam primitias omnium  
 rerum auctori deferamus.

*Lib. 4 in* 3. Postremò ille numerus quadragenarius  
*Lucam.* (vt Beatus Ambrosius auctor est) multis  
*Numeri* modis in sacris litteris est consecratus. *Qua-*  
*quadra-* *draginta diebus pluit super terram in diebus Noe,*  
*genarij* antequam orbis inundaretur. Et nos qua-  
*significa-* *draginta dies ieiunamus, vt in die iudicij dilu-*  
*tio.* *uium ignis evadere, vt cum sanctis gloriosè*  
*Gen. 7. 4* *ac feliciter innovari possimus. Quadraginta*  
*Exod. 16* *annis fuit hebræus populus in deserto, & ce-*  
 35. *lesti cibo usus est, antequam in terram pro-*  
*Psal. 94.* *missionis, terram fluentem lac & mel ingrede-*  
 retur. Et nos quadraginta diebus à cibis cor-  
 poris abstinemus, vt cibo caelesti, & pane  
 An

NVI  
 446

Angelorum commodius nutriamur, & tandem ad veram terram promissionis perveniamus. *Quadragesima* dies ieiunavit Moyses, ut legē, Dei digito scriptam accipere mereretur. Et nos dies totidem ieiunamus, ut eandem legem facilius observemus. *Quadragesima* dies ieiunavit Elias antequam igneo curru raperetur in cælum. Et nos totidem dies ieiunamus, ut igne caritatis succensi, ad regna cælestia evehamur. *Quadragesima* dies ieiunavit Christus antequam se tentandum exponeret diabolo. Et nos totidem dies ieiunamus, ut armis ieiuniorum instructi, diaboli tentationes facilius superemus. *Quadragesima* mensibus Dominus evangelium prædicavit; & *quadragesima* horis iacuit mortuus in sepulchro: & *quadragesima* diebus commoratus est redivivus in terris. Et nos totidem dies ieiunamus, ut Christi Domini evangelium, cum fructu audire, & mundo, vitisq̄ue mori, & Deo soli vivere possimus. Denique secundū legem qui virgis cędendi erant, non amplius quam plagis *quadragesima* affici poterant. Et nos dies *quadragesima* ieiunamus; quia ieiunium est quasi quædam carnis flagellatio, & numerum *quadragesima* plagarum secundū legem excedere prohibemur.

4. Nec dividi tempus illud sacri ieiunii expedit in quatuor anni partes, ut nimirum *ve*re dies decem, estate totidem; & sic de duabus

E e s                      exte-

*Deut. 9.*  
*9.*  
*3. Reg.*  
*19.8.*  
*Mat. 4.2*  
*Act. 1.35*  
*Deut. 25*  
*Non di-*  
*videndos*  
*40. dies,*  
*in partes*  
*quatuor*

ceteris anni partibus, quadraginta tandem dies compleantur. Ieiunium continuandum venit, ut turris carnis nostrae, peccatorum viribus ac praesidio munita, inedia ac fame conficiatur atque expugnetur. Ut enim Reges obsidionem non in varias temporum partes distribuunt, ne obsessi se communiunt, ac ruinas reparant. Ita & nos quater corpus nostrum cum vitiorum omnium praesidio necesse est continenter, ut continua obsidione, ac rerum necessariarum subtractione, ad deditonem compellatur.

*Simile* *acom-*  
*modum.* *omnibus* 5. Sapientissimo deinde consilio definitum est, ut omnes uno tempore ieiunemus, quo commodius civitates sibi de piscibus & oleis prospicerent, hominesque facilius ieiunarent, dum alter alterum ad ieiunandum exemplo suo pertrahit: omnes quoque simul Deum placemus longe efficacius, quam si singuli seorsim diversis temporibus ieiunarem.

*Simile.* Sicut enim homines quadraginta, aut centum, pondus ingens facile pertrahunt, quod singuli ne movere quidem poterunt ad eundem modum, Deum facilius ad misericordiam trahimus, si omnes simul quasi uno impetu spiritus & fervoris ieiunemus, oremus, in caelum clamemus, quam si hodie unus, post mensem alius oraret ac ieiunaret.

*Commo-*  
*ret.* *ditas te-* 6. Adde nullum tempus deligi posse ap-  
*aris,* *aris,*

is, quàm quod ab Apostolis delectum est. In ætate nempe, dierum prolixitas fastidium gignit: pisces non sunt adeo salubres; ægritudines occurrunt frequentiores. In hyeme ob maximum frigus externum, augetur calor internus stomachi, ac propterea ampliori cibo homines indigent. Eo quoque tempore pisces sunt nimis humidi, nec facile inveniuntur olera, quæ tamen magno vsui esse solent ieiunantibus. In autumno sunt etiam mobi frequentes, ob crebras temporum mutationes. Negotia quoque ac labores hominum, tunc sunt plurima ac maxima propter vindemias, ac ceterorû fructuû collectiones. Itaque nullum tempus ad ieiundum magis aptum quàm ver; præcipuè si veris principium accipiatur, vti nos in quadragesima solemus. Tunc frigore adhuc durante corpora sunt sana, tunc pisces sunt optimi: tunc olera vbique fermè inveniuntur: tunc negotia in agris & vineis sunt paucissima: tunc sanguis & humores crescunt: tunc homines sicut cætera animalia magis ad libidinem concitantur: tunc medicorum omnium sententia evacuatio aliqua, tam pro salute corporum, quàm animarum, necessaria est. nulla verò salubrior, facilior, expeditior, & magis secundum naturam evacuatio reperitur, quàm ea quæ fit per inediam. Ita verè *Beatus Hieronymus. Nos vnam quadragesimam*

*iejunamus tempore nobis congruo, vereque cedit*  
*Epistola Ecclesia, ieiunium hoc animabus corporibusque*  
*ad Mar- curandis salubriter esse institutum. Denique ij so-*  
*cel. li obligantur ad ieiunium, qui per vires &*  
*Qui ad valetudinem ieiunare possunt: non ij qui ea*  
*ieiunium valetudine sunt, aut sic laborant, vt ieiunium*  
*obligentur. sine magno, vel valetudinis, vel rei familia-*  
*ris, vel officij prestandi detrimento ferre nullo-*  
*atenus valent.*

Hęc sunt quę de oratione & ieiunio prove-  
 textus figurę nostrę occasiones prestauerunt, di-  
 cenda habui. Deum immortalem rogo atque  
 obsecro, gratiam nobis largiatur vt quę pos-  
 teritati mandamus, ea ipsa inprimis experi-  
 amur in nobis, demum prestantes ora-

tionis fructus omni conatu in alios  
 derivare nitamur, ad honorem

& gloriam sanctissime

Trinitatis Patris, &

Filij, & Spiri-

tus Sancti

rerum

omnium auctoris, cui honor

& gloria per infinita

seculorum se-

cula. A-

men.

FINIS.

NVI

446